

正萬神齊捧出婆娑

留五舍人過夏

好同我處覓清涼聚結靈砂天外香四大迴還清氣候雙泉灌
濯玉容光調神不動災爲福遇物無私陰復陽別有生涯閑度
日寶經披論兩三行

脫世網 二首

順天功德化生來法體光明徧九垓慧目澄澄無稍著神珠朗
朗絕纖埃五方靈曜衝天出一朵心花拂日開浩劫眞容重顯
現始知處處是蓬萊

脫離世網沒縈纏已得丹成道自然紫府飄飄飛玉雪瑤臺漸

道藏輯要

雲光集

三

胃集九
川川八

漸吐金蓮神宮段段圓明結法性虛虛照耀全內外鍊成金玉
體蓋因一遇大羅仙

述懷 二首

濁酒狂歌數十年空身放蕩夢遊仙存心救拔通三界全體光
明徹九天世外生涯唯我曉壺中珍寶有誰憐東方雲海玉陽
子度脫愚迷不妄傳

我當開化混三陽屯壘煙霞滿十方鍊出寶珠含法界化生靈
耀接穹蒼虎龍蟠繞攢金鼎日月飛騰照玉堂比及乘鸞歸紫
府太平國裏日和光

門人張志明問日用事 二首